

方廣大華嚴經

第十一

百九十九
鳴一

方廣大莊嚴經卷第十

鳴

唐中天竺國沙門地婆訶羅譯

轉法輪品第二十六

尔時佛告諸比丘如來所作已辦棄捨重擔
拔煩惱根淨諸塵垢摧滅外道降伏魔軍入
佛甚深微妙之理已得和見成就十力四無
所畏十八不共一切佛法無不具足五眼清
淨觀察世間作是思惟誰應最初堪受我法
根性淳熟易可調柔於所聞義速能開悟清
淨離染薄貪瞋癡於我所說而無忽忘能令
示教不生劬勞若有所聞永無退失作是念
已觀彼外道羅摩之子聰明有智雖具煩惱

三垢微薄若聞我法速能證知彼得非想非
非想定常爲弟子演說修習今在何處以佛
眼觀見其命終已經七日時有諸天頂禮我
足而白我言世尊彼人命終經於七日如來
爲菩薩時已能先知如來有大智力其人若
不命終堪受正法復告諸比丘彼羅摩子不
聞我法遂便命終若不命終我當最初爲其
說法彼若聞已即能證知今時世尊復作是
念誰應最初堪受我法根性淳熟易可調柔
於所聞法速能開悟清淨離染薄貪瞋癡於
我所說而無忽忘能令示教不生劬勞若有
所聞永無退失作是念已觀彼外道阿羅邏

仙聰明有智雖具煩惱三垢微薄若聞我法
速能證知今爲所在以佛眼觀見其命終已
經三日又於是時虛空諸天作如是言彼仙
命終經於三日如來爲菩薩時已能先知如
來有大智力其人若不命終堪受正法復告
諸比丘彼阿羅邏不聞我法遂便命終若不
命終我當最初爲其說法彼若聞已即能證
知今時世尊復作是念誰應最初堪受我法
根性淳熟易可調柔於所聞法速能開悟清
淨離染薄貪瞋癡於我所說而無忽忘能令
示教不生劬勞若有所聞永無退失作是念
已觀見五跋陀羅根性已熟易可調柔於所

聞法必能開悟清淨離染三垢微薄於我所
說而無忽忘能令示教不生劬勞若不於我
得聞正法復當退失我管苦行之時謹心事
我我當最初為彼五人轉正法輪彼能了知
具足施戒善法圓滿解脫現前離諸障礙即
以佛眼觀見五跋陀羅在波羅柰鹿野苑中
佛告諸比丘爾時如來作是念已從菩提樹
向迦尸園波羅柰城震動三千大千世界是
時伽耶城傍有一外道名阿字婆遙見世尊
即前問訊在一面立而白佛言長老瞿曇諸
根恬靜端正可愛身色晃曜如閻浮金及詹
波花仁者修何梵行師為是誰從誰出家進

止威儀安隱乃尔今從何來復何所往尔時
世尊以偈荅曰

我本無有師 世無與我等 於法自能覺

證清淨無漏

阿字婆言瞿曇汝自謂是阿羅漢耶尔時世
尊重以偈荅

我為世間無上導師當度一切是真羅漢
阿字婆言瞿曇汝自謂為覺耶如來荅言我
於世間最為殊勝滅除一切煩惱惡法我為
正覺阿字婆言長老瞿曇汝於今者為何所
往世尊荅曰我今欲往波羅柰國鹿野苑中
為諸盲冥眾生作大光明而說偈言

我往波羅柰

於鹿野苑中

為盲冥衆生

擊甘露法鼓

轉所未曾轉

無上勝法輪

時阿字婆辭佛南行如來北逝經伽耶城城

中有龍名曰善見明日設齋奉請如來如來

食訖往盧醯多婆蘇都村次復至多羅聚落

次復經娑羅村如是遊歷皆為長者居士奉

獻飲食次第而行至恒河邊是時河水瀑集

平流弥岸世尊欲度問彼船人荅言與我價

直當相濟耳余時世尊報船人言我無價直

船人言若無價直終不相濟如來余時飛騰

虛空達于彼岸船人見佛現是神通乃自責

言我無所識云何不度如是聖人心生憂惱

悶絕躡地良久乃蘇詣頻婆娑羅王具陳所見王聞是事即勅船人自今已往沙門求濟勿受價直諸比丘如來至波羅柰城於晨朝時著衣持鉢入城乞食還至本處飲食訖詣鹿野苑中時五跋陀羅遙見世尊共相謂言沙門瞿曇放逸貪著不能持戒欲斷煩惱尋復退墮便失禪定先修苦行尚無所能何況今日恣受美食安樂而任是懈怠人明非道器我等今者不須敬問敷置坐處給水洗足施設飲食一切莫為隨其自來不應為起彼若欲坐當指卑座令其就坐唯阿若憍陳如不同衆心亦時世尊漸近五人所居之處是

時五人皆自不安如鳥在籠為火所逼比丘
當知世間衆生無有覩佛得安坐者是時五
人皆違本要不覺忽然俱起迎佛或有敷置
坐具或有汲水洗足或有選履或有持衣皆
言善來長老瞿曇請坐勝座尔時世尊坐彼
座已五人於前禮拜問訊各在一面而白佛
言長老瞿曇面目端正諸根寂靜身相光明
如閻浮金及詹波花瞿曇今者應證出世聖
種智耶尔時世尊語五人言汝等不應稱喚
如來為長老也今汝長夜無所利益又語五
人我已證得甘露之法我今能知向甘露道
我即是佛具一切智寂靜無漏心得自在汝

等須來當示汝法教授於汝汝應聽受如說
修行即於現身得盡諸漏智慧明了解脫而
住梵行成就所作皆辦不受後有又告五人
汝等嫌我俱作是言長老瞿曇耽著世樂不
堅持戒欲斷煩惱便即退墮我適近汝各自
不安是故當知不得稱呼如來為長老也五
跋陀羅俱白佛言世尊我今願得於佛法中
而為沙門佛言善來比丘鬚髮自落法服著
身便成沙門鬚髮長短如剃經七日威儀整
肅如百臘比丘即從座起頂禮佛足懺悔先
罪即於如來為大師想尊重瞻仰生歡喜心
尔時世尊入池澡浴浴訖復於一處靜坐思

惟過去諸佛當於何座而轉法輪作是念時
忽於是處有千寶座從地涌出如來亦時從
本座起恭敬圍遶初三高座至第四座結跏
趺坐時五跋陀羅頂禮佛足坐於佛前諸比
丘亦時世尊放大光明其光遍照三千大千
世界於光明網中而說頌曰

從彼兜率宮

降生龍毗園

梵釋咸承捧

威猛如師子

十方行七步

曾無迷惑心

即以梵音詞

而作如是唱

我今於一切

為最尊最勝

捨轉輪王位

當利益衆生

六年苦行已

即詣菩提座

降伏諸魔軍

疾成無上道

梵釋諸天衆

勸請轉法輪

哀愍諸世間

默然而受請

以堅固願力

向於鹿苑中

仙人所墮處

演說無上法

此法無數劫

修習之所證

汝等樂聞者

速應來聽受

人天身難得

佛出世甚難

聞法起信心

斯人亦復難

汝不生八難

今獲人天身

值佛聞正法

而能有淨信

汝於百千劫

未曾聞正法

今者得值遇

宜應善修習

佛告諸比丘光明網中說如是偈覺悟三千

大千世界一切人天等眾汝可速來今佛世

尊轉于法輪諸天龍等聞是語已從其本宮

來詣佛所尔時地神以神通力令此道場從

廣正等七百由旬種種莊嚴周遍清淨虛空
天神復將種種幢幡寶蓋以爲嚴飾欲界色
界諸天子等將八万四千寶師子座置道場
中各自請言世尊哀愍我故爲坐此座轉正
法輪諸比丘尔時東西南北四維上下十方
刹土無量拘胝諸菩薩衆宿植德本來至佛
所頂禮佛足右遶三帀合掌恭敬勸請如來
轉于法輪十方三千大千世界所有釋梵護
世及餘無量諸天子衆皆悉頂禮佛足右遶
三帀合掌向佛勸請如來轉于法輪是諸衆
會咸作是言唯願世尊利益安樂愍念諸衆
生故雨大法雨建大法幢吹大法雲擊大法

鼓佛告諸比丘。爾時衆中有一菩薩名曰轉法持衆寶輪。備有千輻莊嚴綺麗不可稱比。放千光明。又以花鬘寶鈴微妙繒綵無量寶具。以爲嚴飾。由是菩薩先願力。故感此輪。生供養如來過去諸佛。皆有此輪。然後轉法時。彼菩薩持是輪寶奉獻如來。而說偈言。

尊憶過去時
号名曰牟尼
導師得成佛
及諸菩薩衆
各以已神力
窮劫說不盡

然燈佛受記
我亦於彼時
當奉此輪寶
其數無有量
齋種種供具
三千大千界

當得成正覺
發此弘誓願
一切人天等
皆爲轉法輪
寶臺花蓋等
天人阿脩羅

諸龍神衆等

咸悉一心請

佛告諸比丘如來於初夜時默然而過於中夜分安慰大衆令生歡喜至後夜已喚五跋陁羅而告之言汝等應知出家之人有二種障何等爲二一者心著欲境而不能離是下劣人無識凡愚非聖所行不應道理非解脫因非離欲因非神通因非成佛因非涅槃因二者不正思惟自苦其身而求出離過現未來皆受苦報比丘汝等當捨如是二邊我今爲汝說於中道汝應諦聽常勤修習何謂中道正見正思惟正語正業正命正精進正念正定如是八法名爲中道佛語諸比丘有四

聖諦何等為四所謂苦諦苦集諦苦滅諦證
苦滅道諦比丘何等名為苦聖諦所謂生苦
老苦病苦死苦愛別離苦怨憎會苦求不得
苦五盛蘊苦如是名為苦聖諦何等名為苦
集聖諦所謂愛取有喜與貪俱希求勝樂如
是名為苦集聖諦何等名為苦滅聖諦所謂
愛取有喜與貪俱希求勝樂盡此一切如是
名為苦滅聖諦何等名為證苦滅聖道諦即
入聖道所謂正見乃至正定此即名為證苦
滅聖道諦復告比丘如是苦法我先不從他
聞由善隨順如理思惟生智生眼生明生遍
生慧生光比丘如是苦集法我先不從他聞

由善隨順如理思惟生智生眼生明生遍生
慧生光比丘如是苦集滅法我先不從他聞
由善隨順如理思惟生智生眼生明生遍生
慧生光比丘如是苦滅證道我先不從他聞
由善隨順如理思惟生智生眼生明生遍生
慧生光復告比丘苦應知集應斷滅應證道
應修如是四法我先不從他聞由善隨順如
理思惟生智生眼生明生遍生慧生光復告
比丘我已知苦已斷習已證滅已修道如是
四法我先不從他聞由善隨順如理思惟生
智生眼生明生遍生慧生光復告比丘我先
未見四聖諦未得阿耨多羅三藐三菩提時

正智未生我從證見四聖諦法輪已心得解
脫慧得解脫不復退失而以正智得阿耨多
羅三藐三菩提我生已盡梵行已立所作已
辦不受後有尔時世尊出梵音聲如是梵音
從無量功德之所成就無量劫來修習真實
不假於師自然而悟發是妙聲語憍陳如等
言眼是無常苦空無我無人無衆生無壽命
猶如腐草雜土為牆危脆不實如眼耳鼻舌
身意亦復如是憍陳如一切法從因緣生無
有體性離常離斷猶如虛空雖無作者及以
受者善惡之法而不敗忘憍陳如色是無常
苦空無我受想行識亦復如是由愛為水潤

清因緣衆苦增長若得聖道證見諸法體性
皆空即能永滅如是衆苦憍陳如由彼分別
不正思惟而生無明更無有餘爲無明因而
此分別不至無明復由無明而生諸行而此
無明不至諸行乃至行緣識識緣名色名色
緣六處六處緣觸觸緣受受緣愛愛緣取取
緣有有緣生生緣老死憂悲苦惱如是等爲
世間因更無有餘能爲其因雖生諸法而因
不至法竟無我人衆生受者捨於此身而至
彼蘊如理思惟無所分別即滅無明由無明
滅即行滅行滅即識滅識滅即名色滅名色
滅即六處滅六處滅即觸滅觸滅即受滅受

滅即愛滅愛滅即取滅取滅即有滅有滅即
生滅生滅即老死憂悲苦惱滅若能如是於
蘊界處了悟因緣尔時得成多陀阿伽度阿
羅訶三藐三佛陀如是甚深微妙之法非諸
異道所能了悟尔時世尊為憍陳如三轉十
二行法輪已憍陳如等皆悉了達諸法因緣
漏盡意解成阿羅漢即於是時三寶出現娑
伽婆為佛寶三轉十二行法輪為法寶五跋
陀羅為僧寶佛轉法輪時六十拘胝欲界諸
天八十拘胝色界諸天八万四千人皆悉遠
塵離垢得法眼淨佛告諸比丘如來以妙梵
之音轉于法輪其聲遍至十方佛土彼諸如

來各聞三轉十二行妙梵之聲咸見世尊住
波羅柰鹿野苑中而轉法輪是時十方諸佛
皆悉默然而不說法彼土菩薩各從座起而
白佛言世尊如來今者何故默然而不說法
尔時彼佛告諸菩薩言汝等應知釋迦如來
於無量劫勤苦累德勇猛精進行菩薩道超
過無量菩薩之行於娑婆世界得阿耨多羅
三藐三菩提利益一切起大慈悲轉于法輪
其佛梵音遍至十方無邊刹土我今聞彼說
法之聲是故默然諸菩薩衆聞佛語已皆發
阿耨多羅三藐三菩提心作是誓言願我當
來速成佛道以無漏法眼開悟衆生同於彼

佛亦時弥勒菩薩前白佛言世尊無量諸來
大菩薩衆願聞如來轉于法輪所有功德唯
願世尊略爲宣說法輪之性佛告弥勒及諸
菩薩言善男子法輪甚深不可取故法輪難
見離二邊故法輪難悟離作意及不作意故
法輪難知不可以識識不可以智知故法輪
不雜斷除二障方能證故法輪微妙離諸喻
故法輪堅固以金剛智方能入故法輪難沮
無本際故法輪無戲論離攀緣故法輪不盡
無退失故法輪普遍如虛空故弥勒法輪顯
示一切諸法本性寂靜不生不滅無有處所
非分別非不分別到於實相昇于彼岸空無

相無願無作體性清淨離諸貪欲會於真如
同於法性等于實際不壞不斷無著無礙善
入緣起超過二邊不在中間無能傾動契於
諸佛無功用行不進不退不入而無所
得不可言說性唯是一而入諸法是為不二
非可安立歸第一義入實相法法界平等超
過數量言語路斷心行處滅不可譬喻平等
如空不離斷常不壞緣起究竟寂滅無有變
易降伏衆魔摧諸外道超過生死入佛境界
聖智所行辟支所證菩薩所趣諸佛咨嗟一
切如來同有如是無差別法弥勒所轉法輪
體性如是若有如是轉法輪者乃名為佛名

正遍知名自然悟名法王名導師名大道師
名實主名自在名法自在名轉法名法施主
名大施主名善行名圓滿名意樂滿足名說
者名作者名安慰者名安隱者名勇猛者名
戰勝名作光名破暗名持燈名大醫王名療
世間名拔毒刺名離障智名普觀見名普觀
察名普眼名普賢名普光明普門名端嚴名
無所著如大地故名為平等如須彌山王故
名不動成就諸功德出過世間故名最尊達
一切法故名無見頂出過世間煩惱黑暗故
名明燈最極甚深難窮底故名大海一切菩
提分法寶具足故名寶所無繫無著心解脫

故名無染通達諸法故名不退轉利益衆生
不擇處故名如風焚燒一切煩惱故名如火
滌除一切分別煩惱故名如水平等法界無
中無邊無礙神通慧所行故名如空除一切
法障故名任無障智超過世間眼所行境故
名遍一切法界身不染世間一切境界故名
最勝人名無量智名演說世間師名制多名
出世間名不染世法名世間勝名世間自在
名世間大名世間依止名到世間彼岸名世
間燈名世間上名世間尊名利益世間名隨
順世間名一切世間了知名世間主名世間
應供名大福田名最上名無等等名無此名

常真實名一切法平等任名得道名示道者
名說道者名超過魔境名能摧伏魔名出生
死獲得清涼名離無明黑暗名無疑惑名離
煩惱名離希求名除諸見惑名解脫名清淨
名離貪名離瞋名離癡名盡漏名心淨解脫
名智淨解脫名宿命智名大龍名所作已辦
名離重擔名逮得已利名遠離生死結縛名
正智心善解脫名善到一切心自在彼岸名
到施彼岸名到戒彼岸名到忍彼岸名到精
進彼岸名到禪定彼岸名到智慧彼岸名願
成就名任大慈名任大悲名任大喜名任大
捨名精勤攝衆生名得無礙辯名與世間作

大依止名大智名念慧行覺成就名得正念
正斷正神足通五根五力菩提分法奢摩他
毗鉢舍那名度生死大海名住彼岸名住寂
靜名得安隱處名得無畏處名摧伏煩惱魔
名丈夫師子名離毛豎怖畏名無垢名智者
名得三昧名渡四河持制多故名刹利遠離
一切罪垢故名婆羅門破壞無明蔽故名比
丘超過染著故名沙門盡諸漏故名清淨者
持十力故名大力者修身語意故名婆伽婆
是法王故名王中之王名轉勝法輪名利益
衆生名不變壞說法名受一切智位名成就
七菩提寶名得一切法寶境界名衆會瞻仰

名能調伏未調伏者名善能與諸菩薩受記
名得七淨財名成辦一切樂名隨一切意悉
捨名與一切衆生安樂名持金剛勝智名普
遍眼名見一切法無障礙名普智作大神通
名演大法名一切世間無有馱足名光大清
淨名一切世間親近者名知衆生器名大嚴
名有學無學圍遶名普照名大幢王名遍光
明名大光普照名無雜對諸問難名無分別
名光明遍照名甚深難知難見難解般若波
羅蜜光明場名大梵名寂靜威儀名成就一
切勝行名持妙色名見無馱足名諸根寂靜
名資糧圓滿名得調柔名得勝調柔寂靜名

諸根調伏。藏名如馴象王名。如清淨池。具足三十二相。故名永斷一切習氣障。具足隨好莊嚴身故。名最上妙色。無上丈夫調御士。故名四無畏圓滿十八不共佛法。故名天人師。成就一切事故。名身口意業無譏嫌。成就一切相清淨智。故名空住善能了悟諸緣起性。

平等故名無相。住於一切願求無染著故名無願。住捨離一切境界故名無功用行。真如法界虛空相無相智境界故名如語不虛妄語不異語。觀如幻陽燄所夢水月谷響鏡像故名捨阿蘭若舉足下足調伏衆生故名行步不空過斷除一切無明煩惱愛故名法城。

為涅槃因故名見聞皆益超過欲界故名出
淤泥超過色界故名摧魔幢超過無色界故
名建智幢是法身智身故名出過一切世間
無邊功德寶智花開發成就解脫果故名大
樹難值故名優曇華隨心願求皆得圓滿故
名摩尼珠王成就諸業行故名手足網縵於
長夜梵行堅固護持不動故名足下有千輻
輪衆相莊嚴於長夜如法供養衛護父母尊
長及應供者無依怙者為作依怙不殺命故
名手足長於長夜誓不殺演說不殺功德勸
諸衆生不殺救護諸衆生故名手足柔輒於
長夜供養父母承事尊上應供之人以酥油

潤身自手塗摩歡喜無懈名手足網縵於長
夜善能布施愛語利益同事攝受衆生故名
足下安平於長夜恒常增長勝上法故名身
毛右旋及以上靡於長夜如來塔所自手修
營供養灑掃聞如來法身毛為豎心生希有
復為衆生演說正法諸聞法者心生希有故
名踣如伊尼鹿王於長夜聽聞正法受持讀
誦如說修行為他解說方便善知甚深句義
於老病死苦惱衆生為作依止演說妙法不
生輕慢故名陰蔽隱密於長夜恭敬沙門婆
羅門布施衣服顯梵行德及顯十善自具慚
愧及教他又司及行事故名解臚長於長

夜不惱害衆生身語意業與慈相應故名身
如尼拘陀樹於長夜飲食常自知量不多不
少見病者施種種湯藥於下劣衆生常生慈
愍修理壞塔及營新塔怖畏衆生施其無畏
故名身體柔澤於長夜供養父母師長及應
供者以酥油塗身適其溫清澡浴熏香布施
上妙室宅衣服飲食卧具湯藥令得安隱以
香水灑掃如來塔廟又以香花幢幡寶蓋莊
嚴佛塔故名真金色於長夜不惱害衆生常
修慈忍勸諸衆生修行十善以金造如來像
及造塔廟或以金彩圖畫如來及以塔廟或
生金末散佛形像及以塔廟或以幢幡寶蓋

莊嚴佛塔及佛形像或以衣服飲食惠施衆
生故名一一毛孔一一毛生皆悉光澤分明
顯現於長夜常親近智者請問何法是罪何
法非罪何法可修何法不可修何法爲上何
法爲中何法爲下擇其善者而修行之及掃
灑佛塔故名七處高於長夜父母及應供沙
門婆羅門可遵崇者皆悉供養貧窮下賤有
所希求皆隨彼意施與衣服飲食卧具湯藥
又修園池林井給彼須者故名身上分如師
子於長夜父母及應供處常能供養恭敬於
貧窮下賤心不輕欺常生憐愍在如是等願
力堅固不捨棄故名踝骨不現於長夜常省

已過不訟彼短永離鬪諍身語意業恒常清
淨故名兩肩平滿於長夜在沙門婆羅門生
恭敬心迎來送去善解諸教得無所畏有鬪
訟者教令不諍又教諸王臣佐及一切衆生
令修忠孝修行善業增長佛法故名師子頷
於長夜隨諸衆生所有樂欲一切施與善言
安慰皆令歡喜願力堅固名具四十齒於長
夜不兩舌鬪諍有鬪諍處和其兩邊各令歡
喜故名齒不踈缺於長夜常修善事遠離惡
法常施衆生乳酪及淨衣服以白土爲泥掃
拭佛塔以衆白花供養佛塔具如是等功德
故名齒白齊密於長夜所出語言令諸衆生

心生喜樂不求他過以平等心勸諸衆生演
說正法故名於諸味中得最上味於長夜不
惱衆生有病苦者隨其所應而療除之所求
美味隨意與之心不生恚故名梵音聲於長
夜不妄語不麁獷語不惡語常住慈悲喜捨
四梵住處以柔栗音聲爲衆生說法皆生歡
喜心故名眼青紺色於長夜在父母師長常
生恭敬觀一切衆生猶如一子有來求者恒起
慈悲勸諸衆生觀於佛像塔廟故名眼睫如
牛王於長夜心不下劣意常廣大勸諸衆生
修無上法遠離鬚鬣感恒常微笑親近善友先
言慰喻故名舌廣大於長夜遠離一切語過

恒常讚歎聲聞辟支菩薩如來及諸法師受
持讀誦書寫經典爲人解脫如法修行故名
肉髻無能見頂於長夜頂禮父母諸尊沙門
婆羅門以香油塗其足下及爲淨髮一切來
者皆以花鬘繫其頂上故名眉間白毫右旋
清淨光明於長夜恒常開門大施普請衆生
隨意所與亦勸衆生行如是施親近善友恒
不捨棄求法重師不憚艱劬心無懈怠於聲
聞緣覺菩薩如來父母師長所以種種香油
然燈及造妙好端正如來形像以妙寶莊嚴
又以白寶安置眉間作如來相好勸諸衆生
發菩提心令修無量諸善行故名得大勢志

名成就那羅延力名成就如來無畏願力名
說法不錯亂名覺悟無言說名願力能令一
切衆生隨類各解名無失念名無異想名如
實了知諸衆生心名非擇滅捨名欲行三昧
不斷名精進不退名念不退名智不退名解
脫不退名解脫知見不退名從智出一切身
語意業隨智慧行名過現未來智障無礙名
得無礙解脫名善入衆生之行名如應說法
名善能超過一切音聲相彼岸名善對答一
切異類音聲名迦陵頻伽聲名天鼓聲名天
樂聲名地大震動聲名大海王聲名大龍王
聲名大雲聲名隨諸衆生類聲名無著無礙

令諸眾會生歡喜心名梵釋天王之所供養
名阿脩羅緊那羅摩睺羅伽歡喜心瞻仰目
不暫捨名聲聞眾之所承事名菩薩眾之所
恭敬讚歎名無希求說法名說一字一句皆
不唐捐名說法以時弥勒我今略說如來功
德若廣說者窮劫不盡尔時世尊欲重宣此

義而免偈言

無處無戲論

無生亦無滅

體性空寂靜

轉如是法輪

不出亦不入

無因亦無相

一切法平等

轉如是法輪

如夢幻陽燄

水月及谷響

皆無有自性

轉如是法輪

入諸因緣法

不斷亦不常

遠離諸惡見

轉如是法輪
本自不生滅
真如非真如
眼耳鼻舌身
轉如是法輪
一切法體性

遠離於有無
轉如是法輪
示諸法體性
及意皆不實
以如是法輪
我自己覺知
得於法自在
故名爲導師
能到於彼岸
演說真實法
以四攝及智
故名爲寶王

非法非非法
實際非實際
轉如是法輪
體性空無思
覺諸未覺者
不從他覺悟
故說爲法王
隨應演說法
故名爲教主
度之於彼岸
普攝諸世間
於法無罣礙

故名法自在

轉於正法輪

故名為法王

名師名持法

名無上法王

亦名大德王

亦名戒願滿

亦名施無畏

亦名示涅槃

亦名能降伏

亦名能自解

亦名能悟心

智慧大光明

普照於一切

破無明黑暗

為世作醫王

能除煩惱病

善拔諸毒箭

名無上導師

有三十二相

具八十種好

身分皆微妙

隨順於衆生

十力四無畏

十八不共法

大乘勝牟尼

具如是威德

無上正法輪

如來勝功德

若欲廣說者

窮劫不能盡

佛智無有邊

廣大如虛空

方廣大莊嚴經卷第十一

鳴

劬勞

上音衢

羅邏

下音賀

跋陁

上音未

苑中

上音紆

阼

問訊

下音亦作訊

恬靜

上音徒安也

晃曜

上音廣胡

詹波

上音之

安穩

下音本反烏

盧醯

下音呼反

瀑集

上音報反蒲

躡地

上音益反毗

放逸

下音一反夷

逼

下音彼力反

躄

下音丁含反

百臘

下音郎荅反

浴

上音早

縱廣

上音反足容

拘肱

上音玆

雨大

上音于

千輻

下音福

花鬘

下音班反

繒綵

上音陵反疾

齎

下音子方

腐草

上音爛也

危脆

下音易破也

潤漬

下音反浸

智

難沮

下音反才毀也

賈主

上音客傷也

滌除

上音洗除也

馴

下音馬

象

上音善順也

淤泥

下音去於

綱縵

下音跟相連

上靡

下音絢波

依怙

下音戶

軟

下音作

輒

下音爽滯

同

下音偃

